

ପିତରଙ୍କ ଦ୍ୱିତୀୟ ପତ୍ର ପିତରୁ ଲେଖିକିତ ଜେତି ଆକି ପିତରୁ ଜେତି ଆକି ବିସ୍ତେନି ପାଦେକ୍

ପିତରୁ ଜେତି ଆକି ଇନାତ୍ ଜେ, ଇ ଆକି ପକ୍ୟାତି ପିତରୁତି ହୁଦାଂ ଲେକା ଆତାନା । ମତର ନଂ ବେସି ପଣ୍ଡିତକୁର ଇଦାଂ ସତ୍ ଆକାୟ ଇଞ୍ଜି ଇନାରା । ଆଜି ମାନଗାନାତ୍ ଇଦାଂ ବିନ୍ ଲଗୁ ପିତରୁତି ବାଦୁଲ୍ ଲେକିକିତାର୍ଣ୍ଣା । ଲେକିକିନାକାନ୍ ଇନାନ୍ ଜେ ହେଞ୍ଜାନ୍ ଜିସୁ କ୍ରିସ୍ତୁତି କାଣ୍ଡକୃତ ସାକି । ବେସିକିଜି ଜିସୁତି ବଦଲାନି ବିସ୍ତେ ଇନାନ୍ ୧:୧୭-୧୮ । ପିତରୁ ଇ ଆକି ଆଜି ମାନଗାନାତ୍ କ୍ରିସ୍ତୁତି ଜଲମ୍ ପାଚେ ୫୭-୬୯ ବିତ୍ରେ ହେଞ୍ଜାନ୍ ହାନି ଆଗେ ଲେକି କିତାନ୍ନା । ପିତରୁ ପା ତା ଜେତି ଆକି ଇଞ୍ଜି ଇନାନ୍ । ପିତରୁତି ୧ ମ୍ ଆକି ଲେକି କିତି ପାଚେ ହେଞ୍ଜାନ୍ ଲେକାନି ସମୁତିଂ ବାହା ହିଜି ଇଦିଲିଂ ଜେତି ଆକି ଇଞ୍ଜି ଇନାନ୍ । ୧ ପିତରୁ ୩:୧

ଝିଜାର୍ କ୍ରିସ୍ତୁୟାନିଂ ଇ ଚିକ୍ଷା ହିତାନ୍ନା । ପିତରୁ ପାତର୍ ନିକାରିଂ ସାସ୍ ଆରି ହାର୍ କିଜି ଜିଦେଂ ଆରି ମିର୍ ଗୁରୁରତାଂ ଦେହା ମାଞ୍ଜେଙ୍ଗ୍ ଜାଗ୍ରତ୍ କିନି କାଜିଂ ଇ ଆକିତ ଲେକିକିନାନା ୨ ।

ଜିସୁ ଖାଦେଂ ଲାମା ସମୁ ମାନାତ୍ ଇନି ଲୁଗାଂ ମୁନା କିନାକାରିଂ ସାସ୍ ହିନାନା । ଇସ୍ତର କାଲେ ଆକାୟ୍ ମତରୁ ଝିଜାର୍ ଉଦାର୍ ପାୟାନାର୍ ଇଦାଂ ଇସ୍ତର ମାନକିନାନ୍ ୨ ପିତରୁ ୩:୮-୯ ଇଦାଂ ରଞ୍ଜାଙ୍ଗ୍ ହାଦର୍ ଜିବୁନ୍ନିକା ୩:୧୪

୨ ପିତରୁ ଆକି ବିସ୍ତେନି ରାହାଣ

୧. ପିତରୁ ହେଞ୍ଜାନ୍ତି ଜାଣା ହିନାନା ଆରି ପଡ଼ି କିନାକାରିଂ ଚିକ୍ଷା ହିନାନ୍ ୧:୧-୨
୨. ପାତର୍ କିନାକାରିଂ ହାଦର୍ ଜିବୁନ୍ ଜିପକା କାଜିଂ ଏଡ୍ କିୟ୍ କିନାନ୍, ଇନେକିଦେଂକି ଇସ୍ତର ମାଂ ବାତି କିଡ଼ତାନ୍ନା ୧:୩-୨୧
୩. ହେଞ୍ଜାନ୍ ମିର୍ ଗୁରୁରିଂ ହାରିହାରା ଝେଡ଼ାଲିଂ ହେଞ୍ଜାରୁତି ଇନେସ୍ ଗିଟାନାତ୍ ହେଦାଂ ଇନାନା ୨:୧-୨୨

୪. ପିତର ଜିସୁକ୍ରିଷ୍ଟ ଜେଡି ୱାନାକା କାଜିଂ ଜାଲଦି ଆଜି ମାନଞ୍ଜି ହାର ଜିବୁନ୍ କାଟି ଆନାକା ସାସ୍ ହିନାନ ୩:୧-୧୭

୧ ସିମନ୍ ପିତର, ଜିସୁ କ୍ରିଷ୍ଟ ରଞ୍ଜାନ ଆଡ଼ିଏନ୍ ଆରି ପକ୍ୟାତାକାନ, ମା ଇସ୍ତର ଆର ମୁକ୍ତି କାରିୟା ଜିସୁ କ୍ରିଷ୍ଟ ଦାମିତ କାଜିଂ ଇମ୍ନାକାର ମା ଲାହାଙ୍ଗ୍ ସମାନ ବାବେ ଜବର୍ମଲ୍ନି ପାତ ଗାଟା ଆଡ଼ତାତନା, ହେଞ୍ଜାରତି ଲାଗେ ଆକି ଲେକିକିନାଙ୍ଗା ।

୨ ଇସ୍ତର ଆରି ମା ମାପୁ ଜିସୁତି ବିସ୍ତେ ଗିଆନ୍ ହୁଦାଂ ମି କାଜିଂ ଉପକାର ଆରି ସୁସ୍ତା ବେସିତାଂ ଆୟେଡ଼ ।

ଇସ୍ତରତି କୁକନାକା ଆରି ବାଟିକିନାକା

୩ ଇନେର ଜାର ଜାଜମାଲ୍ ଆରି ସଡ଼ଗୁଣ୍ଡତ ମାଙ୍ଗ୍ କୁକ୍ତାତାନ୍ନା, ହେଞ୍ଜାଡ଼ି ବିସ୍ତେ ଗିଆନ୍ ହୁଦାଂ ତା ଇସ୍ତରତି ସାକ୍ତି ମା ଜିବୁନ୍ତ ଆରି ଦାମିତାଂ କାଜିଂ ଝିଜୁ ଲଡ଼ାନି ବିସ୍ତେ ଦାନ୍ କିଡ଼ତାନ୍ନା । ୪ ତା ହୁଦାଂ ହେଞ୍ଜାନ ମାଙ୍ଗେଙ୍ଗ୍ ଜବର୍ମଲ୍ ଆରି ବେସିମାନତି ପାର୍ମାଣ୍ ଦାନ୍ କିଡ଼ତାନ୍ନା, ଇନେସ୍ ହେ ସବୁ ହୁଦାଂ ଏପେଙ୍ଗ୍ ବାନ୍ୟାଲ୍ଲୟା ଉପଜାଣ୍ ଇମଣି ବୁଡାନି ଜଗଡ଼ତ ମାନାଡ଼, ହେବେଣ୍ଡାଂ ରାକ୍ୟା ପାୟାଜି ଇସ୍ତରତି ମାନ୍ ବାବନାତ ମେହାଣ୍ ଆଡୁ । ୫ ଆଁ, ଇ କାରଣ୍ଡାଂ ଏପେଙ୍ଗ୍ ବେସି ଜାଡୁନ୍ ଲାହାଙ୍ଗ୍ ପାତ ହୁଦାଂ ହାଡ଼ପାଗୁଣ୍, ହାଡ଼ପାଗୁଣ୍ ଲାହାଙ୍ଗ୍ ଗିଆନ୍ କିୟାଟ୍, ୬ ଗିଆନ୍ ଲାହାଙ୍ଗ୍ ମଦାନାକା, ମଦାନାକା ଲାହାଙ୍ଗ୍ ସାସ୍, ସାସ୍ ଲାହାଙ୍ଗ୍ ଦାରୁମ୍ଜିତ, ୭ ଦାରୁମ୍ଜିତ ଲାହାଙ୍ଗ୍ ଟଣ୍ଡେନ୍ଲାଡ଼, ଆରେ ଟଣ୍ଡେନ୍ଲାଡ଼ ଲାହାଙ୍ଗ୍ ଜିଉନନାକା ମେହାୟ୍ କିୟାଟ୍ । ୮ ଇ ସବୁ ମିତାକେ ବାଡ଼ାତିସ୍ ମା ମାପୁ ଜିସୁ କ୍ରିଷ୍ଟ ବିସ୍ତେ ଗିଆନ୍ତ ବାତ ଲାବ୍ କିନି କାଜିଂ ମିଂ ହିଡ଼ଡ଼ି ଆରି ପଲ୍ୟା ଆଦେଂ ଆଉଡ଼ । ୯ ମତର ଇସବୁ ଇନେର ତାକେ ହିଲୁଡ଼, ହେଞ୍ଜାନ ଦେହାନଞ୍ଜର ଆଞ୍ଜାଦାଂ କାଣା ଆତାନ୍ନା, ଆରେ ଜାର ଆଗେ କିତି ପାପ୍ତାଂ ନିର୍ମଲ୍ ଆନି ବିସ୍ତେ ବାଣାଆତାନ୍ ।

୧୦ ଲାଗିଂ, ଏ ଟଣ୍ଡାର ଆରି ତଣ୍ଡେକାଦେର, ଏପେଙ୍ଗ୍ ଜାର ଜାର କୁକ୍ତନି ତାକେ ଆରି ବାଟିକିନିତାକେ ତିର କିନି କାଜିଂ ଆଦିକ୍ ଜାଡୁନ୍ ଆଡୁ; ଲାଗିଂ ଏଲେଂ କିତିସ୍ ଏପେଙ୍ଗ୍ ଇନାଞ୍ଜାଡ଼ାଂ ପା ପାପ୍ କିଉଦେର,

୧୧ ଆରେ ଇ ବାନି ମା ମାପୁ ଆରି ମୁକ୍ତି କାରିୟା ଜିସୁ କ୍ରିଷ୍ଟି ଓଁଜି ରାଜିତ ମାନତାଂ ହଣ୍ଡେଇ ମିଙ୍ଗେଇ ପୁରା ଆଦିକାର ହିଦ୍ୟାନାତ୍ ।

୧୨ ଲାଗିଂ, ଏପେଇ ଜଦିପା ଇ ସବୁ ଖେଡ଼ାଇ ପୁନାଟ୍ ଆରି ଗାଟାତି ହାଡ଼ପାତ ତିରକିୟା ଆତାଦେଣ୍ଟା, ଆତିସପା ଆନ୍ ଇ ସବୁ ବିସ୍ତେ ମିଂ ଏତୁ କିୟକିଦେଂ ନିତ୍ରେ ଜାଲ୍ଦି ଆଜି ମାନାଇ । ୧୩ ମା ମାପୁ ଜିସୁ କ୍ରିଷ୍ଟ ନାଙ୍ଗ୍ ଇନେସ୍ ଖେଡ଼ଚାତାନ୍ନା, ତାପାଚେ ସାଙ୍ଗେ ନାଙ୍ଗ୍ ଇ ଗାଗାଡ଼୍, ଲାକେ ସମାନ୍ ତୁମ୍ ଜେ ପିହ୍ୟା ଆନାଡ଼, ୧୪ ମା ମାପୁ ଜିସୁ କ୍ରିଷ୍ଟ ନାଙ୍ଗେଇ ଇନେସ୍ ଖେଡ଼ଚାତାନ୍ନା, ହେ ଇସାପ୍ରେ ବେଗି ନାଙ୍ଗେଇ ଇ ଗାଗାଡ଼୍, ଲାକେ ତୁମ୍ ଜେ ରଚ୍ଚନାକା ଆନାଡ଼ ୧୫ ଆରେ ନା ହାଟିପାଚେ ଏପେଇ ଇ ଓଁଜୁ ବିସ୍ତେ ଇନେସ୍ ନିତ୍ରେ ଏତୁତ ତାହିଖାଦେଂ ଆଡ଼ନାଦେର୍, ଇଦାଂ କାଜିଂ ଆନ୍ ଜାତୁନ୍ କିନାଙ୍ଗ୍ ।

କ୍ରିଷ୍ଟି ପାଣ୍ଡି ସାକି

୧୬ ଇନେକିଦେଂକି ଆସେଇ ଏଚେକାଡ଼ଦ ମା ମାପୁ ଜିସୁ କ୍ରିଷ୍ଟି ସାକ୍ତି ଆରି ଖାନାକା କାତା ମିଙ୍ଗେଇ ଖେଡ଼ଚାତାପ୍, ହେ ଏଚେକାଡ଼ଦ ଚାତୁର୍ ଲାହାଙ୍ଗ୍ ହାନ୍ଦାୟକିତି ଇମ୍ଫଣାକା ପା କାତା ଆହ୍ଫାଦାଂ ମାଟାପ୍, ମତର୍ ହେଖାନ୍ତି ପାଣ୍ଡି କାଣ୍ଡକୁତାଂ ସାକି ଆଜି ମାଟାପ୍ ।

୧୭ ଲାଗିଂ ଏଚେକାଡ଼ଦ ବେସି ଜାଜମାଲ୍ ବିତ୍ରେତାଂ ହେଖାନ୍ତି କାଜିଂ ଇ କାତା ଆତାଡ଼, “ଏ ମା ଖାରିନି ମାଜି, ଇଖାନ୍ତି ତାକେ ମା ରଞ୍ଜାଙ୍ଗ୍ ମତର୍ ସତକ୍, ହେ ଏଚେଖେଡ଼ାଲିଂ ହେଖାନ୍ ଆବା ଇସ୍ପର୍ତାଂ ଖାରି ଆରି ଜାଜମାଲ୍ ପାୟା ଆତାନ୍ ।” ୧୮ ଆପେଂ ତା ଲାହାଙ୍ଗ୍ ପୁଇପୁୟା ମାଡ଼ିତ ମାନିଖେଡ଼ାଲିଂ ନିଜେ ଆକାସ୍ତାଂ ହଡ଼ତି ଇ କାତା ଖେଚାପ୍ ।

୧୯ ଇବେଣ୍ଟାଂ ବେଶ୍‌ବାକ୍‌ଶାୟକିନାକାର୍ତି ବେଶ୍‌ବାକ୍‌ଶାୟ ମା ଲାଗେ ଆଦିକ୍ ଆଟ୍‌ଖା ଆତାନ୍ନା; ଏପେଇ ହେଦାଂ ମାଜଗା ବାହାତ ଅଜଡ଼ ଆଜି ମାନି ବୈଟା ଲାକେ ବାବି କିଜି କ୍ଲୁକ୍ଲୁକ୍ଲୁପା ଆଓ୍ଫି ପାତେକ୍ ଆରି ମି ମାନ୍ତ ଅଜଡ଼ ହୁକା ହଡ଼ଓ୍ଫି ପାତେକ୍ ହେଦାଂ କାଜିଂ ମାନ୍ଦିଆନ୍ କିତିସ୍ ହାର୍ ଆନାଡ଼ । ୨୦ ଆଗେ ଇଦାଂ ପୁନାଟ୍ ଜେ, ସାସ୍ପର୍ନି ଇମ୍ଫଣାକା ପା ବେଶ୍‌ବାକ୍‌ଶାୟ ଇନେର୍ ଜାର୍ ବୁଦିତ ବୁଜାଦେଂ ଆତୁଦେର୍, ୨୧ ଇନେକିଦେଂକି ଇମ୍ଫଣାକା ପା ବେଶ୍‌ବାକ୍‌ଶାୟ ଇନାଖେଡ଼ାଂ ପା ମାନାୟ ଇଚାତାଂ ଉଦ୍‌ଜାଶ୍ ଆଖାତାନ୍ନା, ମତର୍

ଇସ୍ଵର ପକ୍ଷିତ ମନାୟାର ପୁଇପୁୟା ଜିବୁନ୍ ଲାହାଙ୍ଗ ଚାଲା ଆଜି କାତା
ଇଞ୍ଜି ମାତାଦେର୍ ।

୨

ବାମ୍‌ତାୟକିନି ଗୁରୁ

^୧ ମାତର୍ ମାନାୟାର ବିତ୍ରେ ଚାକ୍ରାୟକିନି
ବେଶ୍‌ବାକ୍‌ଶାୟକିନାକାର ପା ହତ୍‌ନାର; ହେ ଲାକେ ମି ବିତ୍ରେ
ପା ଚାକ୍ରାୟକିନି ହିକ୍ୟାକିନାକାର ହତ୍‌ନାର; ହେଝାର ବୁତାନିଜଗତ୍‌ତ
ବାନ୍ୟା ମାନ୍ତ ତ୍‌କୁଚି ଚାଲାୟ କିଜି ହେଝାରିଂ କତ୍‌ନାକାନ୍ ମାପୁଙ୍ଗ
ଆଁ ମାନିକିଉର୍, ଆରେ, ଜାର୍‌ତିଂ ମାନିକିଝାକା ଗିଚାନାତ୍ । ^୨ ଆରେ,
ଆଦେକ୍ ହେଝାର୍‌ତି ବାନ୍ୟାକାମାୟତ ତଲ୍ୟା ହାନାର, କାତାତ
ଇଝାତ୍ କାଜିଂ ହାତ୍‌ପା ହାଜି ନିନ୍ଦା କିତାର୍ । ^୩ ହେଝାର୍ ଦନଲବତ
ଚାକ୍ରାୟକାତା ହୁଦାଂ ମିତାଂ ଚାକାଂଲର୍ କିଦେଙ୍ଗ୍ ସେସ୍ଫୁ କିନାର;
ହେଝାର୍‌ତି ଡାଣ୍ଟ ବେସି କାତ୍‌ଦାଂ ଗିଚାଜି ଝାନାତା ଆରି ବେସିଦିନ୍‌ତାଂ
ଇସ୍ଵର ହେଝାର୍‌ତି ବିଚାର୍ କିତାନ୍‌ନା ଆରେ ହେଝାର୍‌ତି ହାକିନି ଦିନ୍
ଝାତାତେ ।

^୪ ଇନେକିଦେଂକି ଇସ୍ଵର ପାପ୍‌ତ ମୁଚ୍ୟାତି ଦୁତକ୍‌କାଂ କେମା
ହିଝାଦାଂ ନରକ୍‌ତ ଦୁହିଜି ବିଚାଣ୍ଟା କାଜିଂ ମାଜ୍‌ଗାନି କ୍ଷୁଇଦ ହିକ୍‌ଡିଂ
ତାଙ୍ଗ୍ ଗାଚ୍‌ତି ଇଡ୍‌ତାନ୍ନା ^୫ ଇସ୍ଵର ପ୍ଫୁନି ଜଗତ୍‌ତିଙ୍ଗ୍ ପା ପିହ୍‌ଝାତାନ୍,
ମାତର୍ କେବଲ୍ ଦାରୁମ୍ ସୁଶାୟକିନାକାର ନହତିଂ ବିନ୍ ସାତ୍ ଜାଣ୍
ଲାହାଙ୍ଗ ରାକ୍ୟା କିଜି ଦାରୁମ୍‌ବାମ୍‌ତାୟ ଜଗତ୍‌ତ ଏସ୍‌ଚାଲାନାକା
ଗିଚାୟକିତାନ୍; ^୬ ତା ପାଚେ ଇସ୍ଵର ସଦମ୍ ଆରି ଗମରା ଗାଡ୍‌ସବୁତିଂ
ନିସ୍‌ତ ମାଜି କିଜି ବାତ୍ ରଚେ ବୁଡାଦେଂ କାଜିଂ ଦାଣ୍ଟ ବଲ୍ ହିତାନ୍
ଆରି ହେଝାରିଂ ଝାନି କାତ୍‌ଦ ଅଦାମ୍ ି ଉତର୍‌ମୁଡ୍ ଲାକେ କିତାନ୍,
^୭ ଆରେ, ହେଝାନ୍ ବିଦିହିଲ୍‌ଝାକାରିଂ ବାନ୍ୟାକାମାୟତ ପୁରା ବେବାର୍
ପିସ୍ତ୍ର ଦାମ୍ ଲଚତିଂ ଇସ୍ଵର ରାକ୍ୟା କିତାନ୍, ି ଲାଗିଂ ହେ ଦାମ୍
ଲକୁ ହେଝାର୍‌ତି ବିତ୍ରେ ବାହା କିଜି ହେଝାର୍‌ତି ବାନ୍ୟା କାମାୟ ହୁଡ୍‌ଜି
ଆରି ଝେନ୍‌ଞ୍ଜି ନିତ୍ରେ ଜାର୍ ଦାରୁମ୍‌ନିକାର ପାରାଣ୍‌ତ କସ୍‌ବଗ୍ କିତାର୍
। ^୯ ଇବାନି ମାପୁ ଦାରୁମ୍‌ନିକାରିଂ ପରିକ୍ୟାତାଂ ରାକ୍ୟା କିଦେଙ୍ଗ୍
ଆରେ, ଅଦାମ୍ ିଂ, ବେସି ଇମ୍‌ଶାକାର ଗାଗାଡ୍‌ନି ବାନ୍ୟା ଆହାତ

ଚାଲା ଆଜି ପିସ୍ତେଙ୍ଗ ମାନି କିଉର, ହେୱାରିଂ ବିଚାର ଦିନ୍ କାଜିଂ ତାଣ୍ଡୁନି ତାରେନ୍ ଇଡ଼ଦେଂ ପୁନାର । ୧୦ ହେୱାର ପାଣ୍ଡାଞ୍ଜାକାର ଆରି ଜାରତିଂ ବାନ୍ୟା ହୁଡ଼ନାକାର ଆଜି କାବାନି ସାକ୍ତିନିକାରିଂ ଗାଗାଡ଼ନିନ୍ଦା କିଦେଙ୍ଗ ପାଣ୍ଡା ଆଉର, ୧୧ ଆତିସ୍ପା ଆଦିକ୍ ସାକ୍ତି ଆରି ବାପୁନି ଦୁଡ଼ତର ମାପୁତି ଲାଗେ ନିନ୍ଦା କିଜି ହେୱାରତି ବିଚାଣ୍ଡା କିଉନ୍ । ୧୨ ଆହ୍ୟାଜି ରାସ୍ୟାଦେଂ ଇମ୍ଣି ପସୁଂତି ଜଲମ୍, ହେୱାଙ୍ଗ ଲାକେ ଇ ଚାକ୍ରାୟ୍‌ଗୁରୁର କେବଲ୍ ବାନ୍ୟା ହୁଦାଂ ଚାଲାନାର । ଇମ୍ଣି ବିସ୍ତେ ବୁଜାଉର, ହେଦେଲିଂ ହେୱାର ନିନ୍ଦା କିତାର । ମାତର ହେୱାର ରାନ୍ତି ପସୁର ଲାକେ ନାସ୍ ଆନାର । ୧୩ ଆରେ, ଅନ୍ୟାୟ୍ ବାତୀନ୍ ଲାକେ ଅଦାମ୍ ନି ପାଡ଼ ବଗି କିନାର, ହେୱାର ଖେଡ଼ାଲିଂ ଆତାରେ ମାଞ୍ଜେଙ୍ଗ ସୁକ୍ ପାୟାନାର, ଆରେ ପ୍ରାଲ୍ ଆରି ନିନ୍ଦାନିକାନ୍ ଆଜି ମି ଲାହାଙ୍ଗ ତିନାଉଣାତ ସୁକ୍ ପାୟାନି ସମୁତ ଜାତ ବାମ୍‌ଣ୍ଡାନି ହାନ୍ଦାୟ୍‌ତ ନିନାର । ୧୪ ହେୱାରତି କାଣ୍ଡା ଦାରି କଗ୍‌ଲେତ ବାତ ଆଜି ପାପ୍‌ତାଂ ଚେବା ଆଉର, ହେୱାର ତିରକାଡ଼ବୁଦି ଲକୁରିଂ ଦାନ୍ ଲାବ୍‌ତି କିନାର, ହେୱାରତି ମାନ୍ ଦାନ୍‌ଲାବ୍‌ତ ବିପ୍ରି, ହେୱାର ସାଏପ୍‌ନି ହିମ୍‌ଣାଙ୍ଗ, ୧୫ ହେୱାର ଆଡ଼ଞ୍ଜା ହାଜି ପିସ୍ତି ଅଦାମ୍‌ତ ହାଚାଣ୍ଡା । ବିୟରନି ମାଜି ବିଲିୟାମ୍ ହାଜି ହେୱାର ତା ପାଚେ ହାଚାଣ୍ଡା । ହେୱାନ୍ ବାନ୍ୟା କାମାୟ୍ କିଜି ତାରୁଙ୍ଗ ଲାବ୍ କିଦେଙ୍ଗ ଜିଉନତାର; ୧୬ ମାତର ହେୱାନ୍ ଜାର ଅପ୍‌ରାଦ୍ କାଜିଂ ଗଡ଼ ଖେଚାନ୍, ରଞ୍ଜାଙ୍ଗ ବଇରି ଗଦ ମାନାୟ୍ ସୁଆତ କାତା ତନ୍‌ଞ୍ଜି ବେଣ୍‌ବାକ୍‌ଶାୟ୍‌କିନାକାନ୍ତି ହଡ଼ନାକାଦ୍‌ଲିଂ ଚିମ୍‌ରା କିତାନ୍ ।

୧୭ ଇ ଚାକ୍ରାୟ୍ ଗୁରୁର ଖାଡ଼ି ଜାରାଣ୍ ଲାକେ ଆରି ଡ଼କୁଦ ଚାଲାନି ବାଦାଡ଼ ଲାକେ । ଇସ୍‌ର ଇୱାର କାଜିଂ ବେସି ମାଜ୍‌ଗାନି କ୍ଷୁଇ ବାହା ରଚାନ୍‌ନା । ୧୮ ଇନେକିଦେଂକି ହେୱାର ପଲ୍ୟା ଆକାର କାତା ତନ୍‌ଞ୍ଜି ବାମ୍‌ଣ୍ଡାନି ପଲ୍ୟା କାରାପ୍‌ତାଂ ବେଜେକ୍ ଉଦାର ପାୟାତି ଲକୁରିଂ ଗାଗାଡ଼ନି ସୁକ୍‌ଲାଲ୍‌ସାତ ବାନ୍ୟାକାମାୟ୍ ହୁଦାଂ ଲକାର ଲବ୍ କିନାର; ୧୯ ହେୱାର ହେୱାରିଂ ଜାରତାରେନି ପାର୍ମାଣ୍ ହିନାନ୍, ମାତର ନିଜେ ବୁତାନି ଆଡ଼ୟା ଆତାନ୍ନା; ଇନେକିଦେଂକି ଇନେର୍ ଇନାକା ହୁଦାଂ ଆରାନାର, ହେୱାନ୍ ହେବେନି ଆଡ଼ିଏନ୍ । ୨୦ ଲାଗିଂ ହେୱାର

ଜଦି ମାପୁ ଆରି ମୁକ୍ତି କିଦନ୍ତି ଜିସୁ କ୍ରିଷ୍ଟି ବିସ୍ତେ ଗିଆନ୍ ହୁଦାଂ ଜଗତ୍‌ନି ବିଚାଡ଼ତାଂ ରାକ୍ୟା ପାୟାଜି ଆରେରଗ ହେବେ ଗାତ୍ୟାଜି ଆରା ଆତିସ୍, ତା ଆତିସ୍ ହେଝାରତି ପର୍ତ୍ତମ୍ ଦସା ବାଟା ହାରିହାରା ଦସା ଆଦିକ୍ ବାନ୍ୟା ଆନାଡ଼ । ^{୨୧} ଇନେକିଦେଂକି ଦାମ୍ ହାଜି ପୁଞ୍ଜି ଜାର ଲକୁ ଲାଗାଂ ହେଲାୟ୍ ଆତି ପୁଞ୍ଜପୁୟା ବଲ୍‌ତାଂ ବିନ୍‌ମୁମ୍ ଆନି ବାଟା ନଲେ ହେ ହାଜି ପୁନ୍‌ଝାକା ହେଝାରତି ପାକ୍ୟାତ ହାରା ଆତାମ୍ । ^{୨୨} ହେଝାର କାଜିଂ ଇନାକା ଗିଚାତାତ୍‌ନା ହେବେତାଂ ଇ ଉତରମୁଡ଼ ଇନାକାରତି ହାଡ଼ପା ଆନାତା । “ନିକୁଡ଼ ଇନାକା କାକ୍‌ନାଡ଼, ହେଦେଲିଂ ଆରେ ତିନାଡ଼, ପାଞ୍ଜିତିଂ ନୁସ୍‌ତିସ୍‌ପା ପାଚେ ଆରେ ଚିକ୍‌ଲାତ ଚାକ୍‌ଟା ଆଗାନାଡ଼ ।”

୩

ମାପୁତି ଝାନାକା ପାର୍ମାଣ୍

^୧ ଏ ଝାରିନିକାଦେର୍, ଆନ୍ ନଂ ମି ଲାଗେ ଇ ଜେତି ଆକି ଲେକିକିନାଙ୍ଗା, ଜେତି ଆକିତ ଇ ସବୁ ବିସ୍ତେ ଏତୁକିଜି ମି ମାନ୍ତ ହାଦାକା ଚିନ୍ତା କାଜିଂ ତାଇଝାନି କାଜିଂ ସେସ୍ତୁ କିତାଙ୍ଗନା । ଇଦାଂ କାଜିଂ ଜେତି ଆକିତ ଆନ୍ ମିଙ୍ଗେଙ୍ଗ୍ ହେ ସବୁ ଏତୁ କିଜି ମି ସରଲ୍ ମାନତିଂ ରିସା କିଦେଙ୍ଗ୍ ସେସ୍ତୁ କିନାଙ୍ଗା ^୨ ଏପେଙ୍ଗ୍ ଇନେସ୍ ପୁଞ୍ଜପୁୟା ବେଣ୍‌ବାକ୍‌ଶାୟ୍‌କିନାକାତ୍ ହୁଦାଂ ଆଗେ କାଡ଼ଦ ଇତି ବଚନ୍‌ନିଂ ଆରେ ମିଦାଂ ପକ୍ୟାତାକାର୍ ହୁଦାଂ ଇଞ୍ଜି ମାନି ମାପୁ ଆରି ମୁକ୍ତି କିଡ଼ତି ବଲ୍‌କୁ ଏତୁତ ଇଚାଟ୍ । ^୩ ☆ଆକ୍‌ତୁ ଇଦାଂ ପୁନାଟ୍ ଜେ, ହାରିହାରା କାଡ଼ଦ ଜାର୍ ଜାର୍ ଲାଲ୍‌ସା ହୁଦାଂ ବେବାରକାୟା ହାଡ଼ପାତିଂ ଗୁଞ୍ଜି କେବଲ୍ ଜାର୍ ଇଚାତ ବାନ୍ୟା କାମାୟ୍ ହୁଦାଂ ତାଙ୍ଗନାର୍, ^୪ ଜିସୁତି ଝାନାକା ପାର୍ମାଣ୍ ଆମେଡ଼ ? “ଇନେକିଦେଂକି ଆବା ଲାତ୍ରାର୍ ହାତି ସମୁତାଂ ଇ ପାଚେକ୍ ସମୁ ବିସ୍ତେ ଉବ୍‌ଜାଣି ହାଙ୍ଗତିତାଂ ଇନେସ୍ ମାତାଡ଼, ହେ ଲାକେ ମାନାଡ଼ ।” ^୫ ହେଝାର ପୁନ୍‌ଞ୍ଜି ପୁନ୍‌ଞ୍ଜି ବାଶାନାର୍ ଇନେର୍, ପର୍ତ୍ତମ୍ ଇସ୍‌ବ୍ ବଲ୍ କିତାନ୍, ଆରି ଆକାସିଂ ଆରି ପୁତ୍ ଉବ୍‌ଜାଣ୍ ଆତାଡ଼ । ପୁତ୍ ଏଜୁଂ ବିତ୍ରେତାଂ ହସି ଏଜୁକାଂ ମେଙ୍ଗୟାଜି

☆ ୩:୩ ୩:୩ ଜିହୁଦା ୧:୧୮.

ମାତାତ୍ । ୬ ଆରେ ହେୱାନ ହୁଦାଂ ହେ ପୁନି କାତୁନି ଜଗତ୍ ଏସ୍ତ ବଡ଼ା ଆଜି ନାସ୍ ଆତାତ୍; ୭ ମାତର ନଙ୍ଗ୍ ଇମଣି ଆକାସ୍ ମଣ୍ଡଳି ଆରି ପୁତ୍ ମାନାତ୍, ହେଦାଂ ଇସ୍ପରତି ତ୍ରିଗା ବଲ୍ ହୁକେ ନାଣିତ ନାସ୍ ଆନି କାଜିଂ ଇଟ୍ୟାତାତ୍ନା । ଇମଣି ୱେଡ଼ାଲିଂ ଅଦାମ୍ ର ବିଚାରକିୟାଜି ନାସ୍ ଆନାର୍, ହେ ଦିନ୍ ପାତେକ୍ ହେଦାଂ ଜାତୁନ୍ ଆଜି ମାନଗାନାତ୍ ।

୮ ମାତର ଏ ୱାରିନିକାଦେର୍, ମାପୁ ଲାଗେ ର ଦିନ୍ ଜେ ହାଜାର୍ ବାହୁଁ ଲାକେ ଆରି ହାଜାର୍ ବାହୁଁ ଜେ ର ଦିନ୍ ଲାକେ, ଇ ବିସ୍ତେ ଏପେଙ୍ଗ୍ ପର୍ମାଟ୍ ।

୯ ମାଲାନାତା ଇଞ୍ଜି ଇନେସ୍ ଏଚେକ୍ ବାବିକିନାର୍, ମାପୁ ଜାର୍ ପାର୍ମାଣ୍ ବିସ୍ତେ ହେ ଲାକେ ମାଲ୍ୟାୟ୍ କିଉନ୍; ମାତର ଇନେସ୍ ଇନେର୍ ବୁଡାମେର୍, ନଲେ ୱିଜାର୍ ମାନବାଦଲ୍ୟାୟ୍ କିନାର୍, ଇଦାଂ ମାନି କିଜି ହେୱାନ ନିତ୍ରେ ମି କାଜିଂ ଲାମାହୁଦାର୍ ଆନାନ୍ ।

୧୦ ✨ମାପୁତି ଦିନ୍ ଚର୍ ଲାକେ ଇକାଞ୍ଜାନାତ୍ । ହେ ଦିନ୍ ଆକାସିଂ ବେସିଗାଜ୍ଜାନାକା ଲାହାଙ୍ଗ୍ ବୁଡା ଆନାତ୍, ଆରେ ଜାର୍ତି ଆଡ଼ମାଡ୍ ସବୁ ବେସି କେଡ଼ତିତ ରୁଗ୍ଜି ହାନାତ୍ ଆରି ପୁତ୍ ତ ମାନି ୱିଜୁ ଉବ୍ଜାଣ୍ ବୁଡା ଆନାତ୍ । ୧୧ ଏପେଙ୍ଗ୍ ମାପୁତି ଦିନ୍ତ କାସି ମାନି ୱେଡ଼ାଲିଂ, ହେଦାଂ ଇନେସ୍ ବେଗି ୱାନାତ୍, ଇଦାଂ କାଜିଂ ନିଜ୍ତିଂ ପୁଇପୁୟା କିଜି ଜାଲ୍ଦି କିୟାଟ୍ । ହେ ଦିନ୍ ଆକାସିଂ ତାହାଜି ବୁଡାନାତ୍ । ଆକାସିନି ହୁକାଂ ବେସି କେଡ଼ତିତ ରୁଗ୍ଜି ହାନିକ୍ । ୧୨ ଜଦି ଇ ଲାକେ ସବୁ ବିସ୍ତେ ବୁଡାନାତ୍, ୱାଟିଂ ବାବି କିଜି ହୁଡାଟ୍, ମିଦାଂ ଜିରୁନ୍ ଇନେସ୍ ଆନାକା ମାନାତ୍ । ହେଦାଂ ପୁଇପୁୟା ଆରି ଇସ୍ପର ଜିଉନନି ଆନାକା ରଞ୍ଜାଙ୍ଗ୍ ମାତର ଲଡ଼ା ଏପେଙ୍ଗ୍ ମାପୁତି ଦିନ୍ତ କାସି ମାନି ୱେଡ଼ାଲିଂ, ହେଦାଂ ଇନେସ୍ ବେଗି ୱାନାତ୍, ଇଦାଂ କାଜିଂ ନିଜ୍ତିଂ ଜାଲ୍ଦି କିୟାଟ୍ । ହେ ଦିନ୍ ଆକାସିଂ ତାହାଜି ବୁଡାନାତ୍ । ଆକାସିନି ହୁକାଂ ବେସି କେଡ଼ତିତ ରୁଗ୍ଜି ହାନିକ୍ । ୧୩ ଆସେଙ୍ଗ୍ ହେୱାନ୍ତି ପାର୍ମାଣ୍ ଇସାପ୍ରେ ର ପୁନି ଆକାସିଂ ଆରି ପୁନି ପୁତ୍ ନି କାନିତାକେ ମାନାପ, ଇନାକା ଦାମ୍ ତି ବାହାକିନାକା ଆନାତ୍ ।

✨ ୩:୧୦ ୩:୧୦ ମାତିଉ ୨୪:୪୩; ଲୁକ ୧୨:୩୯; ୧ ତେସଲନିକି ୫:୨; ହଡ଼ତି ୧୬:୧୫.

୧୪ ଲାଗିଂ, ଏ ଖାରିନିକାଦେର, ଏପେଙ୍ଗ ଇ ଓଁଜୁ ବିସ୍ତେ କାସି ମାଟିଲେ ଇସ୍ପରତି ଲାଗେ ଇନେସ୍ ପ୍ରାଲ୍‌ଖାଦାଂ ଆରି ନିନ୍ଦାଖାଦାଂ ସୁସ୍ତାତ ମାନାକା ହୁଡ଼ୟାନାଡ଼, ଇଦାଂ କାଜିଂ ଜାତୁନ୍ କିୟାଟ୍; ୧୫ ଆରେ, ମା ମାପୁତି ଲାମାହୁଦାର ମୁକ୍ତି ଇଞ୍ଜି ଗିଆନ୍ କିୟାଟ୍ । ମା ଖାରିନି ଟଣ୍ଡେନ୍ ପାଉଲ୍ ପା ଜାତ୍ ହିଡ଼ତି ଗିଆନ୍ ଇସାପ୍ରେ ମି ଲାହାଙ୍ଗ୍ ହେ ଲାକେ ଲେକିକିତାନ୍ନା । ୧୬ ହେଖାନ୍ ଜାତ୍ ଓଁଜୁ ଆକିତ ପା ଇସବୁ ବିସ୍ତେ ଲେକି କିଜି ହେବାନି ଇନାନ୍; ହେ ସବୁନି ଏଲେଂ ଏଚେକ୍ ବିସ୍ତେ ମାନିକ୍, ଇନାକାକି ବୁଜାଦେଂ କସ୍, ଆରେ ହିକାଓ୍ଵିତି ଡିକାଡ଼ବୁଦି ଲଗୁ ଜାର୍ ଜାର୍ ବୁତାନି କାଜିଂ ଆଦେକ୍ ଓଁଜୁ ସାସ୍ତର ଇନେସ୍, ହେ ଓଁଜୁନି ପା ହେ ଲାକେ ଅରାହିଲ୍‌ଓ୍ଵି ଅରଡ଼ କିନାର୍ ।

୧୭ ଲାଗିଂ, ଏ ଖାରିନିକାଦେର, ଏପେଙ୍ଗ ପୁର୍ବେତାଂ ଇସବୁ ପୁନ୍‌ଞ୍ଜି ଜାଗ୍ରଡ଼ ଆଜି ମାନାଟ୍, ଏଚେକାଡ଼ଦ ବିଦିହିଲ୍‌ଖାକାରତାଂ ବାମ୍‌ଶ୍ରାୟ୍ ଆଜ୍ ଏପେଙ୍ଗ୍ ପା ଜାତ୍ ଆଟ୍‌ଖାତାଂ ଲେମ୍‌ନାଦେର, ୧୮ ନଲେ ମା ମାପୁ ଆରି ମୁକ୍ତିକିନାକାନ୍ ଜିସୁ କ୍ରିସ୍ତତି ଉପକାର୍ ଆରି ଗିଆନ୍ତ ଗାଜା ଆଡୁ । ନଂ ଆରି ଓଁଜୁ କାଡ଼ ପାତେକ୍ ହେଖାନ୍ତି ଜାଜ୍‌ମାଲ୍ ଆଏଡ଼ । ଆମେନ୍ ।

ସତ୍ ବଚନ
The New Testament in the Pengo language of India:
ସତ୍ ବଚନ

copyright © 2020 The Word for the World International

Language: Pengu (Pengo)

Contributor: The Word for the World International

ସତ୍ ବଚନ
ପୁନି ନିର୍ମାଣ, 2020

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 13 Jul 2024 from source files dated 14 Apr 2023

347138c8-2363-58d9-a1b0-0259691b7d43